



22. juli 2014

Inatsisartut suleriaasianni § 37 naapertorlugu matumuuna ima apeqquteqaateqassaanga:

**Naalakkersuisut Maniitsumi innuttaasunik ataatsimiititsinerat pillugu Naalakkersuisunut apeqqutit:**

- 1. Maniitsumi juunip qulingiluaani innuttaasunik ataatsimiititsinissaq Naalakkersuisunit qanga aalajangiunneqarpa, aamma Siumup ataatsimeersuarnissaata nalerorlugu taamatut ataatsimiititsinissaq piffissami tassani ilisimaneqareerpa?**
- 2. Naalakkersuisut atuutilernermittit innuttaasunik ataatsimiititsinerit qassit ingerlappaat, taakkunanilu qassini Naalakkersuisunut ilaasortat Siumumeersut tamakkerlutik ataatsikkut peqataappat?**
- 3. Naalakkersuisunut ilaasortat Atassummersuut arlaannaalluunniit innuttaasunik ataatsimiititsinermut pineqartumut peqataanninnerat sumik peqquteqarpa?**
- 4. Naalakkersuisunut ilaasortat arfineq-marluusut tamarmik immikkut Maniitsumi innuttaasunik ataatsimiititsinermut qanoq angallanneqarsimanerat Naalakkersuisunit nassuiaateqarfigeqquneqarpoq. Siumut utimulluunniit umiatsiamik angalasoqarsimappat Naalakkersuisut peqqussavakka ilaasut allattorsimaffiannik TAMAKKIISUMIK ilanngussaqaqqullugit, kikkut ilaasorineqarsimangersut innuttaasunit paasineqarniassammat.**
- 5. Naalakkersuisut Maniitsumerpiaq innuttaasunik ataatsimiititsinermik taama annertutigisumik aaqqissuussinissaq sumik peqquteqartumik pisariaqartissimavaat, aamma sooq Siumup ataatsimeersuarnissaata peqatigisaanik aaqqissuunneqarpa?**  
(Inatsisartunut ilaasortaq Andreas Uldum, Demokraatit)

**Tunnngavilersuut:**

Oqaatigilluaannarlara. Naalakkersuisut innuttaasunik ataatsimiititsinissaminnut qanorsuaq pisinnaatitaapput. Tamanna inerteqqutaanngilaq. Aamma Maniitsumi innuttaasunik ataatsimiititsineq inerteqqutitaqanngilaq.

Kanngunarporli ileqqorissaarnissamullu uniuulluni partiip Siumup illoqarfimmi tassani piffissami tassanerpiaq ataatsimeersuarnissaanut aningaasartuutinik sipaarniuteqarniaannarluni innuttaasunik ataatsimiititsisoqarsimamera.

Allatut oqaatigalugu; Siumut Maniitsumi ataatsimeersuarniannigitsuuppat, innuttaasunik ataatsimiititsisoqarsimanaviannigikkaluarpoq.



DEMOKRAATIT  
DEMOKRATERNE

Ullut suliffiusut qulit iluanni apeqquteqaatinnut erseqqissunik akissutissarsinissara qilanaara.